

20 SEP 1998
Singapura-Lee

LEE KUAN YEW: TIADA RUSUHAN BERIKUTAN PENAHANAN ANWAR

SINGAPURA, 20 Sept (Bernama) -- Menteri Kanan Singapura Lee Kuan Yew berkata tiada rusuhan di Malaysia berikutan penahanan Bekas Timbalan Perdana Menteri Datuk Seri Anwar Ibrahim hari ini.

Beliau diminta mengulas berkaitan perkara itu, semasa berucap pada jamuan makan malam "Foreign Correspondents Association (FCA)" di sini malam ini, Lee berkata penahanan itu bermakna Anwar "telah diketepikan".

Berkaitan masa depan Anwar, beliau berkata jika dia didakwa di mahkamah dan bukti dikemukakan berkaitan salah laku seksual yang dilakukannya, ia mungkin memberi kesan yang buruk kepada Anwar.

Lee, berkata dia telah tidak melawat Malaysia sejak lapan tahun lepas, dan beliau berasa sedih melihat perpecahan antara Dr Mahathir Mohamad dan Anwar.

Beliau berkata Dr Mahathir adalah orang yang bertanggungjawab membawa Anwar ke arena politik "apabila perkara ini berlaku, saya berasa lebih sedih terhadap Dr Mahathir berbanding Anwar".

"Saya tahu ia adalah perkara yang sukar bagi Dr Mahathir dan mengetahui kesukaran itu, saya tidak fikir Dr Mahathir mendapati mudah untuk melakukannya," katanya.

Lee berkata dia tidak percaya akan berlaku kekacauan di Malaysia berikutan dengan penahanan itu.

Beliau berkata Anwar mungkin mempunyai penyokongnya, tetapi umat Islam tidak membenarkan homoseksual.

-- BERNAMA

THG RI